

樂地紀勝
補關十卷

自序

道光癸卯春初建功刻舊唐書既成即欲重刊鈔本

輿地紀勝兩書皆延同人纂輯校勘記舊唐書校勘

記梓行之後建功會就諸書所引舊唐書與今本不

相附麗無須悉載於校勘記者為之會萃成書名曰

舊唐書逸文凡十有二卷紀勝校勘記脫稿後建功

因復仿前例就諸書所引紀勝為今本所闕不必列

入校勘記者掇拾搜羅別為一編共得十卷名曰紀

勝補闕蓋舊唐書雖有逸文而無闕卷其闕葉亦無

明徵若紀勝則全闕者三十一卷溫州婺州處州衢

輿地紀勝補闕自序一 懼盈齋

豐軍潭州成都府上成都府下崇慶府眉州彭州縣

州漢州邛州黎州夔州開州施州達州珍州忠州沔

州階州成州西和州鳳有闕葉者十有七卷臨安府

州文州龍州天水軍平江府

饒州揚州楚州黃州濠州寶慶府襄陽府均州是故

循州永康軍興元府閬州巴州洋州劔門關

據紀勝本書之注此門言詳見他門則闕葉之逸文

可知平江府風俗形勝門全闕據仙釋門晉支遁注

迹官吏人物等門皆闕據風俗形勝門各條則景物

下當有翛然亭古迹門當有塗山禹廟官吏門當有

梅呂人物門當有莊子興元府官吏門全此卷言詳

闕據府沿革注則官吏門當有蕭思話

見別卷則闕卷之逸文可知光州全闕據安慶府古

則光州古迹門當有獨山忠州全闕據萬州

人物門甘寧注則忠州人物門當有甘寧其當補

者一也輿地碑目即節錄紀勝中碑記一門故闕卷

內之碑記可補

顧氏千里碑目序云且今者紀勝闕卷三十有一好事者每惜其末由補

全孰知求之此書則三十一卷之碑記一門唯荆湖南路之潭州成都府路之彭州緜州漢州邛州黎州利西路之天水軍俄空其七耳以外尚多無恙者實原書之墜簡也今按珍州階州原書本無碑記成都府分上下兩卷碑記例在下卷故上卷不應有碑記顧氏言俄空其七此三卷不在所數之內蓋闕卷三十一無碑記可補者十卷闕葉內之碑記亦可補

有碑記可補者二十一卷碑目序又云今所據但鈔本闕卷之外復多闕葉如楚州濠州興元府及永康軍之下半碑記均藉此書而僅存愈徵其而碑記之注有言詳見各門者復可有益者非渺矣

定為逸文

崇慶府全闕據碑記萬歲寺碑注及法天寺留題注則景物下當有萬歲寺法天寺

又據碑記善頌堂留題注則官吏門當有趙抃眉州全闕據碑記杜子美兩川夔峽諸詩石刻注則景物下當有大雅堂鳳州全闕據碑記隋朗法禪師碑注則仙釋門當有隋朗法禪師其當補者

輿地紀勝補闕

自序

二 懼盈齋

二也一統志方輿紀要所引紀勝往往在闕卷闕葉

之中疑是時尚有完本

錢遵王讀書敏求記載紀勝二百卷云鏤刻精雅楮墨如

新乃宋本中之佳者顧氏碑目序云似仍係完帙不審尚在世間否耳今按一統志稿本係崑山徐健菴尚書所輯顧景范亦與分纂之列景范與遵王皆常熟人健菴亦與遵王同郡其時書局設於洞庭山所引紀勝或即據遵王之完本亦未可知至於紀要所引紀勝當即景范在書局時所摘錄耳其當

補者三也所引逸文有作方輿紀勝者疑即輿地紀

勝之訛

一統志福州府福甯府泉州府各引方輿紀勝一條方輿紀要鄭州引方輿紀勝一條

有但言王象之者亦皆輿地紀勝之語

方輿紀要衢州府引王象

之三條壽州東平州河州隰州永甯州各引王象之一條

今並一律採錄以備參

稽其非紀勝原文則毫不濫載蓋用元和志逸文之

例不使他說與原文雜糅

嚴氏觀元和郡縣補志陳氏蘭森寰宇記補闕皆原文少而他說多惟周氏夢棠元和志逸文專輯御覽

雖闕卷闕葉未能頓復舊觀而以偽混真之弊亦庶

乎免矣若夫原本並非闕卷又無闕葉而他書所引

實係逸文者蓋王氏此書每卷分子目十二

養新錄云輿地

紀勝每府州軍監分子目十二曰府州沿革若有監司軍將駐節者別敘沿革於州沿革之後曰縣沿革曰風俗形勝曰景物上曰景物下曰古迹曰官吏曰人物曰仙釋曰碑記曰詩曰四六

間亦偶闕有時明注其闕

橫州梁山軍人物門南安軍柳州仙釋門靖州詩門

衡州威州渠州敘州黔州雲安軍蓬州四六門封州

仙釋門碑記門石泉軍碑記門詩門宜州碑記門四

六門茶陵軍碑記門詩門四六門皆曾注闕字

輿地紀勝補闕

自序

三 懼盈齋

新州化州欽州鬱林州南平軍隆慶府洋州四六門皆未注闕字

有時不但不書闕

字抑且不標子目之名故或少一門

棗陽軍雲安軍無官吏漢陽軍

連州容州利州無人物柳州欽州威州無仙釋橫州

無碑記武岡軍信陽軍高州賀州昌州廣安軍富順

監萬州梁山軍無四六或少二門天水軍無古迹人

茶陵軍景物不分上下或少二門物鬱林州無人物

仙釋萬安軍無人物四六吉陽軍無或少三門廉州

仙釋碑記潯州大甯監無仙釋四六或少四門沅州無人

物仙釋碑記靖州無人物仙釋或少四門物仙釋碑

四六藤州無人物碑記四六此闕卷闕葉之外所

記四或少五門思州無官吏人此闕卷闕葉之外所

以尚有逸文也况乎傳寫者不無偶遺而全書之通

例每卷各門之末大率皆畱空行以待續有增補凡

今本所載太略者必有脫文德慶府碑記門止有圖經一種貴州碑記門止

有懷澤志一種隆慶府縣沿革普成縣注所記未全者必有墜簡此外更無一碑但言縣之舊名未言何時改今名此原本有而傳寫之本無也成書

以後有空行可續者則附入各門之中衡州碑記門注云圖經無

碑記門而碑記散見諸處無年月可考據此則是州碑記必有續入者可知各卷碑記門之例志書皆列

於末此卷衡陽志後又有吳九真谷府君碑臨海谷侯碑其為增補無疑無空行可增者

則補注子目之下建甯府人物門注云王安石李綱皆生於松溪之簿廳主簿陳當時

嘗書於壁以為盛事今按此門之末無空行故夾注于子目之下此初印之本無而

續增之本有也諸書所引逸文意者初印之本所無

續增之本所有而一統志紀要所引係續增之本歟

抑或原本實有此條今本傳寫逸去而一統志紀要

輿地紀勝補闕 自序 四 懼盈齋

所引仍係原本歟惟是目錄所載郡縣自行在所臨

安府至天水軍祇南渡偏安疆域直齋書錄解題云行在宮闕官寺實

冠其首關河版圖之未復者猶不與焉而逸文內所載郡縣有屬京東

西路者東平府一則有屬京西北路者鄭州一則有屬陝

西永興軍路者京兆府一則有屬陝西秦鳳路者河州洮州各一

則有屬河東路者絳州隰州石州蔚州各一則皆北宋全盛之提

封至南宋時則不列版圖之內似非紀勝所應有然

考王氏自序云東南十六路以在所為首而西北諸

郡亦次第編集則當日於東南諸路纂輯告成復就

西北各州別為續錄猶之祝穆方輿勝覽止述東南

而它書所引逸文兼及西北

一統志直隸順天府河南南陽府汝州陝西鳳

翔府西州華州所引各一則方輿紀要直隸大名亦

於成書之後更有補編耳

呂午方輿勝覽序云我瞻四方禹迹茫茫思日闢於

先王慨未歸於故疆必也志存乎脩攘步極乎亥章使吾和父涉歷彌長聞見彌詳紀載益鋪張而勝覽益輝煌今按和父即祝穆之字祝氏補紀

北方郡縣蓋因呂序所言而推廣之也王氏地理

之學較祝氏尤深使所紀西北諸郡之書至今具在

其沿革掌故當必蔚為鉅觀惜乎舊本全亡轉引者

僅見此十數則用是亟為甄錄附諸東南各路之餘

俾閱者由此類推尙可想見其原書之梗槩也至於

輿地紀勝補闕

自序

五 懼盈齋

甚詳直齋書錄解題云輿地圖十六卷王象之撰紀勝逐州為卷圖逐路為卷其搜求亦勤矣至西

蜀諸郡尤詳而自元明以來更無稱引之者其體裁義例

末由窺測其大凡與元和志之佚去原圖同為憾事

此則非後人所能臆補者已

道光戊申二月甘泉岑建功識

輿地紀勝補闕目錄

卷一

兩浙西路 安吉州 平江府 江陰軍

兩浙東路 紹興府 溫州 婺州 處州 衢

卷二

江南東路 建康府 寧國府 徽州 南康軍

江南西路 袁州 吉州 建昌軍 南安軍

卷三

淮南東路 楚州 通州

淮南西路 和州 濠州 光州 無為軍 安

輿地紀勝補闕

目錄

一 懼盈齋

卷四

荆湖南路 潭州 衡州 道州

荆湖北路 岳州 澧州 靖州 峽州 荆門

京西南路 襄陽府 隨州 棗陽軍

卷五

廣南東路 廣州 韶州 連州 英德府 潮

廣南西路 高州 欽州 瓊州

福建路 福州 泉州 南劍州

卷六

成都府路 成都府下 崇慶府 眉州 黎州

嘉定府

永康軍

潼川府路 敘州

卷七

夔州路 夔州 涪州 開州 黔州 施州 達州 忠州

卷八

利東路 興元府 閬州 金州 大安軍

卷九

利西路 沔州 龍州 成州 西和州 鳳州 文州

卷十 附錄

京東西路 東平府

京西北路 鄭州 陳州

輿地紀勝補闕

目錄

二 懼盈齋

陝西永興軍路 京兆府

陝西秦鳳路 河州 洮州

河東路 絳州 隰州 石州 蔚州

輿地紀勝補闕卷一

甘泉岑建功輯

兩浙西路

安吉州

原卷第四

景物下

廣惠寺

在長興縣東九里乃陳高祖故宅
光大初建為寺號天居宋改今名

一統志一百七十六湖州府 按作紀勝時之

吉州即今之湖州府紀勝此卷原無闕頁然王氏此書之通例每卷各門之末大率皆畱空行以待續有增補廣惠寺一條或初印之本所無續增之

輿地紀勝補闕

卷一

一 懼盈齋

本所有而一統志所引係續增之本或原本實有此條今本傳寫逸去而一統志所引仍係原本均未可知後凡紀勝原無闕頁而一統志方輿紀要等書所引實係逸文者當以此意求之 又按紀勝各卷景物門大率皆分上下安吉州古迹門及景物上未載一寺而景物下載大雄寺八聖寺靜林寺飛英寺祇園寺普靜寺密印寺無為寺乾元寺共有九寺則廣惠寺似亦當在景物下

平江府

原卷第五

風俗形勝

晉支遁

按此卷風俗形勝門全闕據仙釋門晉支遁注云見風俗門續志序下則風俗形勝門內必有晉支遁事碑記門續志注云朱長文編所謂續志序者當卽此志之序也 又按方輿勝覽卷二風俗門好儒好佛注引圖經云蓋朱買臣陸機顧野王之徒顯名於當代而人尚文支遁道生慧嚮之儔倡法於羣山而人尚佛有所自來也今考朱長文之書尚存名曰吳郡圖經續記勝覽所引之圖經當卽紀勝所引之續志蓋列晉支遁於風俗門者實因吳人好佛由於支遁之談禪勝覽與紀勝可互證矣

輿地紀勝補闕

卷一

二 懼盈齋

江陰軍 原卷第九

景物上

申港

宋太守劉堂漕臣姜洵建議濬申利二港

一統志四十五常州府 按作紀勝時江陰自爲一軍不屬常州紀勝此卷景物上有利港申浦而無申港申浦注云今爲申港亦無宋太守以下數語今考紀勝全書之例地名有古今各異者往往前後並見疑申港一條原本在景物上之末而傳

寫佚去耳後凡紀勝已載此地而他書所引逸文
係一地而兩名者當以此意求之

兩浙東路

紹興府原卷第十

景物下

開元寺

修廊傑閣冠絕他刹正月望為燈市海外商賈皆集

一統志一百七十九紹興府 按紀勝此卷本無

闕頁景物上未載一寺景物下載天章寺天衣寺

戒珠寺寶相寺報恩寺大能仁寺淳化寺福慶寺

覺苑寺慈雲寺應天寺稱心寺惠安寺共十三寺

輿地勝補闕 卷一

三 懼盈齋

古迹門有秦一寺禹跡寺凡二寺秦甯寺係南宋

時攢宮之地跡寺取名因大禹之舊跡故列於

古迹門中若開元寺似當與天章等寺一例列於

景物下之內 又按據一統志開元寺在會稽縣

東南唐董昌故宅錢鏐建為寺

温州原卷第十三

碑記

僧元覺神道碑

在永嘉縣之淨光先天寺元葬於是山有括州刺史李邕所作神道碑

輿地碑目卷一下同 按紀勝此卷全闕

淨居尼元機圓明塔碑

在永嘉縣之淨居尼禪寺其碑先天中立

石室碑 在永嘉縣應符鄉大羅山之石室上

仙巖寺碑銘 司空表聖文

海濤志 集古錄云海濤志濤歷濤日時濤期朔望體象春秋仲月漲濤解凡六篇唐竇叔蒙撰其說以月眺胸候濤汐之進退并竇氏濤日時疏一篇孟簡撰皆陶從心書朱巨題額不著刻石年月在温州

抄本碑目歷下無濤字從心作愆

遊仙記 唐著作顧况仙遊記曰温州人李庭等大歷六年入山斫船迷不知路逢見澗水澗水者

東越方言以挂泉為澗中有人煙雞犬之候尋聲渡水忽到一處約在甌閩之間云古莽然之墟者好田泉竹果藥連棟架險三百餘家四面高山迴環深映有象耕雁耘人甚知禮野鳥名鵠飛行似鶴入人社中惟祭得殺無故不得殺殺令地震有一老人為衆所伏容貌甚和歲入數百匹布以備寒暑乍見外人

輿地紀勝補闕 卷一 四 懼盈齋

亦甚驚異問所從來袁晁賊未平時政何若具以實告因曰願來就居得否云此間地窄不足以容為致飲食申以主敬既而辦行斫樹記道還家及復前踪羣山萬首不可尋省

抄本碑目著作作歷作惟祭作雄祭歲入作歲人

寒暑作寒者袁晁作袁見辦行作辨行尋省作尋

者皆誤 按正文作遊仙記注引顧况仙遊記今

考全唐文 五百二十九 載顧况此文正作仙遊記當以

仙遊為是 又按全唐文斫船作斫樹人上無入

字社中作舍中得殺下有之字殺令作殺則歲入

作歲收未平作平未辦行作辭行 又按以舊唐

書代宗紀及通鑑考之袁晁之就擒在寶應二年

四月下距大歷六年相隔八載山中避亂之人不知世事故袁晁之亂久平而猶問其平未耳作未平者非也

永甯編 陳謙所述留元剛序云是編非取夫搜撫新故誇詡形勝而已事變之會風俗之趨蓋將

有考焉觀敘州自晉以來守凡幾人孰賢孰否觀敘人自國朝以來作者幾人孰先孰後熙甯而後所易兵制善於古否建炎而後所增賦稅安於民否水利何為而便役法何為而病是非得失之迹興廢沿革之由安危理亂於是乎在一言去取萬世取信

抄本碑目賦稅作稅賦興廢作廢興

鴈宕序述 鴈宕山序云樂清縣鴈宕諸山在焉難以殫載校書郎章望之有記郡丞謝升俊有

圖樂清縣丞洪藏有賦記述模寫皆極形容之精然猶有未盡薛寺正季宣復為賦以備足之

輿地紀勝補闕 卷一 五 懼盈齋

許校抄本碑目藏作藏

婺州 原卷第十四

碑記

八詠碑 沈約文舊本在仁風堂新本在八詠樓

輿地碑目卷一下同 按紀勝此卷全闕

陋室銘 不知在何所政和中郡民至龜頭土城上茅棘中見一頽石其色如鐵面平可坐因刮拭

之彷彿有字題曰陋室銘唐劉禹錫文其詞云山不在高有仙則名水不在深有龍則靈斯是陋室惟吾德馨苔痕上階綠草色入簾青談笑有鴻儒往來無白丁可以調素琴閱金經無絲竹之亂耳無案牘之勞形南陽諸葛廬西蜀子雲亭孔子云何陋之有今其碑在明月樓

許校抄本碑目土城作王城有仙作有僊

通判廳蘭亭記

其碑甚古

大廳再建記

唐廣明二年

赤松巖寺碑

唐垂拱四年

盧府君碑

唐大中十一年

俱胝石幢記

唐咸通十年

抄本碑目胝作胝

武威侯廟記

唐廣明元年已上並在金華縣境

按己與以同下文仿此

杜叔倫去思碑

晏公類要云在東陽縣前達州刺史陸長源文

許校抄本碑目達作建 按新舊唐書陸長源傳

輿地紀勝補闕

卷一

六 懼盈齋

俱云歷建信二州刺史而不言為達州刺史作建

者是也

又按全唐文

五百十

載陸長源唐東陽令

戴公去思頌云詔書以監察御史裏行戴叔倫為

東陽令紀勝杜字乃戴字之誤

涵碧亭碑

在東陽縣唐寶曆二年

法華寺碑

唐會昌三年在東陽縣

智者法師碑

及本生寺碑在義烏縣界梁太子綱文

善慧大寺碑

陳大建五年

抄本碑目寺作士

按下文有善知闍黎碑及惠

集法師碑注並言在陳大建間與此碑正同以例

推之似當以士字爲是蓋大士與闍黎法師名目相類若作大寺則不相類矣

善知闍黎碑

陳大建五年

惠集法師碑

陳大建六年

還珠記碑

唐元稹文

轉輪經藏

唐咸通八年

重雲大師真身碑

唐乾符三年

普濟院碑

周顯德二年已上並義烏縣

抄本碑目並作并

聖壽寺碑

唐綦毋潛文

輿地紀勝補闕

卷一

七 懼盈齋

和安寺碑

唐邵朗文

許校抄本碑目朗作節

按全唐文八百六載邵朗

兜率寺記云以晉義熙二年正月捨所居爲和安

寺焉據此則兜率寺卽和安寺而碑記則邵朗所

撰也當以朗字爲是

東峯亭記

唐馮宿文在蘭溪團寺

許校抄本碑目東作陳 按方輿勝覽東峰亭注

云在蘭溪縣且引馮宿亭記全唐文六百二十四載馮

宿蘭溪縣靈隱寺東峰新亭記當以東字爲是團

字乃靈隱之誤

萬安院碑 晉天福八年

抄本碑目萬作樂

永甯院碑 周顯德四年已上並在蘭溪縣

千歲和尚碑 開元二年在浦江寶嚴寺

左溪大師碑銘 唐李華文在浦江縣

明招院壽塔碑 周廣順二年 在武義院

許校抄本碑目二作三

鶴巖院碑 清泰

按清泰係後唐末帝年號首尾三年清泰下脫去
年分俟考

輿地紀勝補闕

卷一

八 懼盈齋

義烏真如寺耶律年號 寺在義烏縣西南一百八十里

十年建洪邁隨筆載錢氏有年號三日寶大天寶保
正而無所謂會同象之謹案會同乃契丹年號東都
事略契丹傳載遼主德光以天福三年改元會同至
開運四年南牧歷年圖載天福三年歲在戊戌而會
同十年歲在丁未自戊戌至丁未整整十年意者錢
氏奉德光之正朔則丁未之歲乃契丹會同十年故
用其紀元耳十國紀年吳越王錢宏佐傳云開運四
年正月敵陷京師稱會同十年而馬殷傳止書云開
運四年契丹犯闕中國兵亂貢賦不通而不書會同
年號是湖南諸國不用會同年號而吳越獨用會同
年號故也

抄本碑目止書作正書 按下文云而不書會同

年號不書與止書相對為文當以止字為是

吳越寶大年號 東陽志云觀音寺大殿有梁吳越寶
大二立題字象之謹按通鑑後唐

明帝天成二年吳越王錢鏐以中國喪亂朝命不通
改元保正其後復通中國乃諱而不稱今觀音寺之
題梁皆已削去年月寺僧云吳越改元後用中國正
朔故諱其事而削去與通鑑所書相應寺卻有銅鐘
銘題云寶大二
年歲在乙酉置

抄本碑目立下脫題字二字復下脫通字寺僧云
之云誤作去卻有作却有銘下無題字 按以五

代史及通鑑考之天成係後唐明宗年號明宗之
諡號係聖德和武欽孝皇帝紀勝之明帝當作明

宗

張巡許遠雙廟辯

嘉泰甲子余謁郡侯南康李公景和見其追逮土偶械繫於庭問其罪則曰李侯家眷為崇所擾故加之罪杖之溪僻投土偶於深淵絕其廟食未嘗不重李侯之果決也及

輿地紀勝補闕

卷一

九 懼盈齋

余之郊外聽輿人之頌曰此廟非他即唐張許之祠也郡侯以其烹愛妾而無所歸旋擾其室既伏其罪而怪亦絕余獨念張許置廟始末郡志無所經見志乃洪公遵銓次必不逸書余固未能釋然後余繙閱故書見唐張巡傳載許遠子致為婺州司馬柳子厚南公廟碑載南霽雲子承嗣為婺州別駕今婺之雙廟與倅廨鄰意者南許二子之所立乎余既參祁公之史考柳子厚之記又不能不譏李侯之太果而諄洪公之略也反覆張許之事因歎其捐軀以蔽江淮而當時議者反以睢陽食乏為二子罪巡烹妾以激士眾而後世乃以其鰥居而為廟食之累甚矣忠臣之不遇也自李翰作傳以表其事而當時之異論始息余不量其謏薄欲強引史傳以證其廟食之始末眎李翰為難矣昔韓文公謂張許子弟材下不能通其父志由今日觀之廟在而無所記豈特不能通其父志於當時而已哉昔我朝章聖皇帝東狩過雙廟畱駕徘徊著金刻石贊明厥忠而司馬公光嘆顏杲卿張巡之徒世治則擯斥外方抑沈下寮世亂則委棄孤城糞粉寇手何為善之不幸而朝廷待忠義之薄耶我聖朝君臣待忠義之意如此惜不及見洪公

李侯而一
洗之云

抄本碑目之頌作之誦郡侯以其之以作意既伏
作自伏卯子下無厚字食乏誤作食之烹下妾上
有愛字不遇也之也誤作世史傳誤作始傳以證
作以証眎作視過雙廟之過誤作遇駕上畱字係
空格下寮作下僚寇手誤作寇乎 按左氏僖二
十八年傳云聽輿人之誦作之誦者是也 又按
祁公之史指上文唐張巡傳而言新唐書列傳係
宋祁所作祁公似當作宋公祁

處州 原卷第
十五

輿地紀勝補闕

卷一

十 懼盈齋

景物上

石帆山

一名石橋洞東北去石
立如檣中有三潭危石

山二十里高巖屹
峙潭中如張帆然

方輿紀要九十四處州府 一統志一百八十六

處州府但引一名石檣洞五字 按紀勝此卷全

闕全書之例凡山水之類列於景物上者居多故

列於此以俟考後凡逸文內山水之類仿此 又

按據一統志此山在青田縣西一百里據方輿紀

要此山在青田縣西南九十里亦名大連雲山

碑記

追魂碑

在松陽永甯觀唐故有道先生葉公碑李邕
撰并書法善之祖也世傳法善求邕書不可

得夜追其魂書之俗謂之追魂碑恐未必然人愛其字模打不已黃冠潛毀之有銅鐘宣和造寇焚熱烈焰中竟不銷鏤聲亦不滅若有神護

輿地碑目卷一下同 抄本碑目模作摸 許校

抄本碑目造寇作遭寇聲作書

唐李繁孔子廟記

唐元和中刺史李繁建孔子廟韓愈為之碑杜牧書其陰碑遭亂不

存宣和中和州量葆光模刻於學而碑陰猶闕

抄本碑目量作黃是也

有唐贈歙州刺史葉公神道碑

李邕撰韓擇木八分書其石運自雪川擊

之鏗然有聲今在麗水縣北一百二十里冲真觀中

李邕書大唐開悟之寺

在龍泉之薦福院

輿地紀勝補闕

卷一

十一 懼盈齋

黃帝祠宇篆額

唐李陽冰篆在仙都山

縉雲縣城隍廟記

集古錄唐李陽冰篆并撰陽冰禱雨因移建於山上碑以乾元二年

立

刺史李鋁送行記

正元中李為刺史朝士之贈行者二十三人石刻今存

抄本碑目鋁作銘 按鋁字無考當是銘字之誤

唐青田縣尉楊光于作隱難記

在麗水縣北六十里之東巖大略言袁晁

黃巢之亂民避難於此獲免者甚眾

好道廟碑

在麗水縣東十里唐大中十年刺史段成式作廟記今存

抄本碑目段作段誤

果松司馬墓碑

在麗水縣西四十里郎期山下乾符二年卒葬於此碑及銘記並任省公

文

李陽冰修夫子廟記

在縉雲記云上元元年縉雲令李陽冰修文宣王廟換夫子之

容貌增侍立之九人其餘六十二子圖於屋壁據陽冰記云增侍立之九人蓋獨顏回坐而餘九人為立像矣

李陽冰忘歸臺銘

在縉雲之吏隱山

抄本碑目吏作史下同

按方輿勝覽

卷九

吏隱山

注云在州東北五十里山南有唐李陽冰為縉雲

令秩滿寓居于此為窪樽畱題篆刻至今人寶之

全唐文

四百三十七

載陽冰忘歸臺銘有曲成吏隱之

語當以吏字為是作史者非也

輿地紀勝補闕

卷一

三

懼盈齋

李氏窪樽銘

在縉雲之吏隱山

李陽冰篆倪翁洞三字

在縉雲縣東平里之倪翁洞

阮客洞詩

在縉雲縣東九十里石室鑿李陽冰詩

隱真洞劉先生素象贊

在縉雲縣東二十八里隱真洞其碑見存

許校抄本碑目素作塑

李陽冰篆初暘谷三字

在縉雲之仙都山

衢州

原卷第十六

景物上

常山

即信安嶺也陳天嘉初畱異據東陽時江郢二州俱為王琳所有異因與琳自鄱陽信安嶺潛

通使往來今自衢州經信州達於鄱陽必由常山所謂嶺路也

方輿紀要九十三衢州府 一統志一百八十三
衢州府所引卽下有古字時江郢至所有作時王
琳據江郢二州與琳二字在信安嶺下自下無鄱
陽二字經作西出於鄱陽作鄱陽者 按據一統
志及方輿紀要此山在常山縣東三十里
崢嶸山 昔有柴宏者屯兵於此後訛爲崢嶸其
東南相連者曰龜峯山府治枕其麓
方輿紀要九十三衢州府 按據方輿紀要此山
在衢州府治西安縣西北

古迹

太末城 龍邱故太末也唐光化二年淮南宣州將康
儒敗兩浙將王球於龍邱擒之遂取婺州卽

輿地紀勝補闕 卷一 三 懼盈齋
此

方輿紀要九十三衢州府 按紀勝全書之例故
城皆列於古迹門內故列於此以俟考後凡逸文
內故城之類仿此 又按據方輿紀要此城在龍
游縣西

碑記

古碑 信安記文其最古者徐偃王廟則韓退之西楚
霸王廟則賀蘭進明詩則信安王禕石橋記則
嚴綬女樓之易棟賦則霍耿若陸燮
于臯之偃王碑碣皆漫缺不可讀

輿地碑目卷一下同 抄本碑自脫詩則二字易
棟賦則霍耿誤作易陳武則崔耿 按以元和志

二十 寰宇記九十 輿地廣記二十 方輿勝覽七 考

之婺州為婺女分野衢州本婺州地唐時始析置

其樓名亦得有婺女之稱紀勝女樓上疑脫婺字

唐乾符六年僧冲莅開山文樅碑銘在西安之子湖定業院

抄本碑目樅作樅 按樅字無考疑樅字之誤

唐則天書明果寺在西安縣北玉泉鄉明果禪寺額

唐白居易大徹禪師傳法堂記在西安縣北玉泉鄉明果禪寺

後唐清泰中吳中丞所書發願文在常山縣西三十里福田院

唐杜荀鶴及禪月大師貫休畱題在龍游之石壁院

抄本碑目游作遊

輿地紀勝補闕 卷一 十四 懼盈齋

石橋詩刻記唐廷評嚴綬

瑞魚銘張子壽集賀衢州進古銅器表云伏見衢州所進瑞魚銘等神物瓌奇形製純古魚為龍像既彰受命之元銘作久文更表錫年之永河圖舊事無以加之

按以張曲江集及全唐文三百八十九 考之久文乃龜

文之誤

徐偃王廟碑韓愈撰

徐偃王後記唐于臯作後記今在靈山廟中

抄本碑目臯下有謨字

雙檜堂記開寶間吳越刺史謹知禮撰

吳越國王墨帖在保安院

信安志

序 毛憲

抄本碑目脫去毛憲序三字

輿地紀勝補闕

卷一

去 懼盈齋

輿地紀勝補闕卷一終

男姪校刊
長生